



Randi Vestergaard Evaldsen, Demokraatit
Inatsisartuni ilaasortaq
/Maani

**Nalunaarasuartaateqarnermik namminersortunngorsaaneq pillugu § 37
naapertorlugu apeqqummut nr. 2015-205-imut akissut**

Brevdato: 24-08-2015
Sags nr. 2015-7291
Id nr.: 969976

Aallarniutigalugu apeqqustitit pillugit qutsavigaakkit, taakkulu matuma kinguliani akissuteqarfigaakka. Akissuteqarnissannut tapertassannik Nalunaarasuartaateqarnermut Aqutsisoqarfimmut pissarsiniarpunga.

Postboks 909
3900 Nuuk
Tlf.: (+299) 34 50 00
Fax: (+299) 32 52 86
E-mail: isan@nanoq.gl
www.naalakkersuisut.gl

Inatsisartut suleriaasianni § 37 naapertorlugu nalunaarasuartaateqarnermik niueruteqarnermi ammanerulersitsinissamik sulissutiginninnermut atatillugu Naalakkersuisunut arlalinnik apeqquteqarputit. Apeqqustit uannut akisassanngorlugit innersuussutigineqarput.

- 1. Maannakkut inatsisit atuuttut naapertorlugit Naalakkersuisut namminersortunngorsaasinnaanerlutik:**
 - a. Oqarasuaatinik angallattakkanik kiffartuussinerup iluani**
 - b. Oqarasuaatinik angallattagaanngitsunik kiffartuussinerup iluani**

Aap, nalunaarasuartaatitigut atassuteqarneq nalunaarasuartaatigullu kiffartuussinerit pillugit Inatsisartut peqqussutaanni nr. 17-imi, 20. november 2006-imeersumi (nalunaarasuartaateqarnermut peqqussut) § 2, imm. 1-imi oqarasuaatinut angallattakkanut angallattagaanngitsunullu nalunaarasuartaatitigut sullissinerit ammanerulersinneqarnissaanut Naalakkersuisut tunngavissinneqarput. Nalunaarasuartaateqarnermut peqqussummi § 2, imm. 3-mi aamma illoqarfinni nunaqarfinniluunniit ataasiakkaani atortut ledningeqanngitsut atorlugit attaveqarnissaq tunngavigalugu nalunaarasuartaatitigut ilusiliinermik ammanerulersitsinissamut Naalakkersuisut tunngavissinneqarput. Tamatuma kingunerisaanik inatsit atuuttoq tunngavigalugu nalunaarasuartaatitigut sullissinernik tamanik ammanerulersitsinissamut inatsisitigut tunngavissaqartoqarpoq, kisiannili nalunaarasuartaatitigut sullissinerni atuisunut pilersuineq atortunut ledningeqanngitsunut atortut nammineq pigisat aqquutigalugit ingerlanneqassaaq, imaluunniit sullissisut nutaat TELE-POST-ip attaveqaataanik, soorlu illoqarfinni nunaqarfinniluunniit ataasiakkaani kabelit kanngussaata fiberilluunniit, radiokæde, qaammataasaq imaluunniit immap naqqatigut kabeli aqquutigalugu atuinnissamik pisisassallutik.

- 2. Apeqqummi siullermi akissut AAPPIUPPAT imaluunniit ilaannakoortumik angernerulluni taava Naalakkersuisut maannangaaq kiffartuussilersussat pillugit pisariaqartinneqartunik nalunaarusioreerpat (namminersortunngorsaanerlutik):**
 - a. Oqarasuaatinik angallattakkanik kiffartuussinerup iluani**
 - b. Oqarasuaatinik angallattagaanngitsunik kiffartuussinerup iluani**

Oqarasuaatinik angallattakkanik ammanerulersitsinissamik aalajangiisoqassappat, tamatumunnga atatillugu sullissisut TELE-POST-ilu niuerfinni nutaani qanoq iliornissaannut maleruagassanik aalajangersaasoqassaaq. Tassalu kalaallit normunut

pilersaarutaannik atuisinnaanissamut maleruagassiortoqassaaq, taamaalillunilu atuisut pilertortumik pitsaasumillu sullissisumit ataatsimiit allamut nuussinnaanissaa qulakkeerneqassaaq, kiisalu atuisut sullissisut attaveqaataat akimorlugit sianerfigeqattaannerini (akunninnermut akit) sullissisoq ataaseq qanoq ililluni taarsiivigineqartassanersoq aalajangersarneqassalluni. Tamatuma saniatigut niuerfiup maleruagassiuuteqqinneqarnissaa pisariaqartinneqarnersoq Naalakkersuisut isumaliutigissavaat. Tamanna soorlu kingulliullutik atuisut pisinnaatitaaffiinik aalajangersaanermut, nunap iluani tikeraarsimanermi atuinermut maleruagassanut il.il. tungasinnaavoq.

Oqarasuaatinik angallattakkanik angallattagaanngitsunillu namminersortunngorsaanaasaaq aalajangiunneqassappat, niuerfiit ammaaneneqarnissaannut ukiumik ataatsimik atuinissartik Naalakkersuisut pilersaarutigaat, taamaalilluni niuerfinnut maleruagassiassat amigaatigineqartut inaarsarneqarnissaannut piffissaq pisariaqartinneqartoq qulakkeerneqassammat, kiisalu sullissisut niuerfinnut nutaanut naleqqussarnissamut piffissaqartinneqassallutik.

- 3. Inuiaqatigiinnut kingunerusussat Naalakkersuisut misissorteqqissaarsimanerlugit kiffartuussilersussat appakaannissaat eqqarsaatigalugu:**
- a. Oqarasuaatinik angallattakkanik kiffartuussinerup iluani**
 - b. Oqarasuaatinik angallattagaanngitsunik kiffartuussinerup iluani**

Oqarasuaatinik angallattakkanik angallattagaanngitsunillu ammanerulersitsinermi inuiaqatigiit aningaasaqarnerannut sunniutissanik misissueqqissaarnermik Naalakkersuisut aallartitsippot. Misissueqqissaarneq Nalunaarasuartaateqarnermut Aqutsisoqarfimmit ingerlanneqarpoq, taannalu oqarasuaatinik angallattakkanik angallattagaanngitsunillu ammanerulersitsinissamik aalajangiisoqassappat, Naalakkersuisut isummernissaannut tungavissiamut ilaatinneqassaaq.

- 4. Apeqqummut 3-mut akissut AAPPUIPPAT imaluunniit ilaannakoortumik angernerulluni, taava misissueqqissaarnermut inernililineq sunaava?**

Apeqqut 3-mut akissut takuuk.

- 5. Apeqqummut 3-mut akissut NAAMIUPPAT imaluunniit ilaannakoortumik naaggaarneruppat, taava misissueqqissaarsimaneq qaqugu saqqummiunneqassava?**

Oqarasuaatinik angallattakkanik angallattagaanngitsunillu ammanerulersitsinissamik sulissutiginninnermi inuiaqatigiinnut sunniutissanik misissueqqissaarnerit 2015-ip ingerlanerani naammassineqarnissaat, taamaalillunilu suli ammanerulersitsinissamik 2016-ip naanerani imaluunniit 2017-ip aallartinnerani atuutilersussamik aalajangiisoqarsinnaanissaa Naalakkersuisut naatsorsuutigaat.

Inussiarnersumik inuulluaqqusillunga

Knud Kristiansen